

Na osnovu tačke 5.2. Uputstva „Popunjavanje radnih mjesta u Društvu“ **J.P. Međunarodni aerodrom "SARAJEVO" d.o.o. Sarajevo**, uz prethodno pribavljenu saglasnost Federalnog ministarstva prometa i komunikacija, dana 03.07.2025. godine raspisuje

JAVNI OGLAS za prijem u radni odnos

I

Raspisuje se javni oglas za prijem u radni odnos za rad na radnim mjestima:

1. **KONOBAR**, Sektor aerodromskih usluga: **1 (jedan) izvršilac na određeno vrijeme (12 mjeseci)**, sa početkom rada nakon okončanja oglasne procedure;
2. **KUHAR**, Sektor aerodromskih usluga: **1 (jedan) izvršilac na određeno vrijeme (12 mjeseci)**, sa početkom rada nakon okončanja oglasne procedure;
3. **PRODAVAČ**, Sektor aerodromskih usluga: **1 (jedan) izvršilac na određeno vrijeme (12 mjeseci)**, sa početkom rada nakon okončanja oglasne procedure.

II

Shodno članu 87. st. (1) i (2) Pravilnika o radu J.P. Međunarodni aerodrom "SARAJEVO" d.o.o. Sarajevo kandidati koji apliciraju za radna mjesta iz tačke I ovog javnog oglasa, osim opštih uslova propisanih zakonom, moraju ispunjavati i sljedeće posebne uslove:

I 1. KONOBAR

- **stručna sprema**: KV - III stepen stručne spreme
- **struka/smjer** : konobar ili šankista
- **znanja/vještine/sposobnosti**: znanje engleskog jezika (provjeriće J.P. Međunarodni aerodrom "SARAJEVO" d.o.o. Sarajevo testiranjem);
- **radno iskustvo**: najmanje šest mjeseci radnog iskustva u struci
- **probni rad**: 2 mjeseca

Opis poslova radnog mjesta:

1. radi sve poslove vezane za posluživanje gostiju;
2. izdaje račune gostima i odgovara za tačnost istih;
3. odgovoran je za čistoću stolova, stolica i ostalog inventara u restoranu i u Premium CIP salonu;
4. redovno izvještava osoblje kuhinje o potrebama Premium CIP salona za robom i namirnicama;
5. odgovoran je za kvalitetno, blagovremeno i zakonito obavljanje poslova iz opisa ovog radnog mjesta;
6. obavlja i druge poslove po nalogu neposrednog rukovodioca za koje je osposobljen.

I 2. KUHAR

- **stručna sprema**: KV - III stepen stručne spreme
- **struka/smjer** : kuhar
- **radno iskustvo**: najmanje šest mjeseci radnog iskustva u struci
- **probni rad**: 2 mjeseca

Opis poslova radnog mjesta:

1. vrši pripremu hrane u kuhinji za potrebe salona poslovne klase, VIP salona, refreshment obroke u slučaju kašnjenja i otkazivanja letova, kao i drugih pristiglih zahtjeva prema nalogima neposredno nadređenog;
2. vrši pripremu jela prema dnevnom jelovniku;
3. vodi računa o kvalitetu i kvantitetu upotrebljenih namirnica;
4. vrši kvantitativni i kvalitativni prijem namirnica u saradnji s neposredno nadređenim;
5. učestvuje u isporuci catering obroka za avio kompanije, kao i u pružanju usluge catering handlinga;
6. vodi računa o higijeni prostorije za pripremu cateringa i restorana;
7. odgovoran je za kvalitetno, blagovremeno i zakonito obavljanje poslova iz opisa ovog radnog mjesta;
8. prati pristigle catering narudžbe putem e-mail korespondencije i odgovara na ad – hoc zahtjeve kupaca – aviokompanija;
9. fiskalizuje pružene usluge cateringa i ovjerava ih kod nadležnog predstavnika UIO;
10. obavlja i druge poslove po nalogu neposredno nadređenog za koje je osposobljen.

I 3. PRODAVAČ

- **stručna sprema:** SSS - IV stepen stručne spreme
- **struka/smjer** : društveni ili tehnički smjer
- **znanja/vještine/sposobnosti:**
 1. poznavanje rada na računaru
 2. znanje engleskog jezika
(provjeriće J.P. Međunarodni aerodrom "SARAJEVO" d.o.o. Sarajevo testiranjem);
- **radno iskustvo:** najmanje šest mjeseci radnog iskustva u struci
- **probni rad:** 2 mjeseca

Opis poslova radnog mjesta:

1. robu zaprima, sortira, slaže na police, prodaje;
2. pomaže kupcu u odabiru robe i upućuje ga na kojoj polici može naći traženi proizvod, izdaje račune i naplaćuje;
3. predaje pazar na blagajni J.P. Međunarodni aerodrom "SARAJEVO" d.o.o. Sarajevo testiranjem;
4. vodi računa o higijeni u prodavnici;
5. materijalno je odgovoran za zaduženu robu;
6. odgovoran je za kvalitetno, blagovremeno i zakonito obavljanje poslova iz opisa ovog radnog mjesta;
7. obavlja i druge poslove po nalogu neposredno nadređenog za koje je osposobljen.

III

Zainteresovani kandidati se na javni oglas prijavljuju podnešenjem pisane *Prijave za prijem u radni odnos*.

Prijava se podnosi isključivo na propisanom, uredno popunjenom i vlastoručno potpisanom obrascu "Prijava za zapošljavanje", broj UP 05-01 02, koji se može preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje obrasca ili lično, na protokolu, u sjedištu J.P. Međunarodni aerodrom "SARAJEVO" d.o.o. Sarajevo – ulica Kurta Schorka broj 36, 71210 Ilidža - Sarajevo.

U Prijavi za zapošljavanje kandidat je obavezan ČITKO upisati kontakt telefon i e-mail adresu.

NAPOMENA: Ukoliko se prijava ne podnese na propisanom obrascu, odnosno vlastoručno ne potpiše na za to predviđenom mjestu, te ukoliko se u istoj čitko ne napiše broj telefona i e-mail adresa, ista se neće uzeti u razmatranje.

Uz Prijavu za zapošljavanje se prilaže sljedeća dokumentacija:

1. **izvod iz matične knjige rođenih - rodni list, trajni** (original ili ovjerena fotokopija) – SVI KANDIDATI
2. **uvjerenje o državljanstvu BiH, ne starije od šest mjeseci** (original ili ovjerena fotokopija) – SVI KANDIDATI
3. **potvrda mjesta prebivališta/boravišta („CIPS“ prijava), ne starija od šest mjeseci** (original ili ovjerena fotokopija) – SVI KANDIDATI
4. **dokazi o ispunjavanju traženih posebnih uslova za radno mjesto za koje se prijavljuju** (original ili ovjerena fotokopija), i to:
 - a. diploma/svjedočanstvo/svjedodžba o završenom obrazovanju za traženi stepen stručne spreme - SVI KANDIDATI;
 - b. dokaz o radnom iskustvu – SVI KANDIDATI;
5. **potvrda ili uvjerenje ili drugi relevantan dokument izdat od strane nadležnog organa da kandidat ima status iz: Zakona o pravima branilaca i članova njihovih porodica („Službene novine FBiH“, br.: 33/04, 56/05, 70/07, 9/10, 95/13, 90/17 i 29/22), Zakona o pravima demobiliziranih branilaca i članova njihovih porodica („Službene novine FBiH“, br. 54/19, 29/22, 81/23 i 60/24) i Zakona o posebnim pravima dobitnika ratnih priznanja i odlikovanja i članova njihovih porodica („Službene novine FBiH“, br. 70/05, 61/06, 9/10, 90/17, 29/22 i 60/24) - DOSTAVLJAJU SAMO KANDIDATI KOJI IMAJU NEKI OD STATUSA IZ NAVEDENIH ZAKONA ukoliko žele da pod jednakim uslovima, tj sa ostvarenim istim ukupnim brojem bodova, ostvare prednost pri zapošljavanju.**

NAPOMENA: J.P. Međunarodni aerodrom "SARAJEVO" d.o.o. Sarajevo će zadržati prijave i dokumentaciju dostavljenu uz iste, te se ista neće vraćati podnosiocima prijava.

IV

Prijava na javni oglas, sa naprijed naznačenom dokumentacijom, podnosi se putem pošte ili neposredno u sjedištu J.P. Međunarodni aerodrom „SARAJEVO“ d.o.o. Sarajevo (protokol), Sarajevo-Ilidža, ulica Kurta Schorka broj 36 (kompleks Međunarodnog aerodroma Sarajevo), u zatvorenoj koverti, na kojoj treba biti napisano:

PRIMALAC: J.P. Međunarodni aerodrom „SARAJEVO“ d.o.o. Sarajevo

Ul. Kurta Schorka broj 36

71 210 ILIDŽA - SARAJEVO

sa naznakom: „Prijava na javni oglas za prijem u radni odnos na radno mjesto:

_____ - NE OTVARATI“
(*upisati puni naziv radnog mjesta za koji se prijava podnosi*)

Na poleđini koverta potrebno je napisati:

- ime i prezime kandidata,
- naziv i broj ulice stanovanja,
- naziv i poštanski broj mjesta stanovanja (općina i/ili grad).

Ukoliko kandidat ima namjeru da se prijavi na dva ili više radnih mjesta, dužan je za svako radno mjesto na koje se prijavljuje podnijeti posebnu prijavu, sa zahtjevanom dokumentacijom, u posebnoj koverti.

V

Dodatne i detaljne upute i pojašnjenja u pogledu prijave na javni oglas, kao i u pogledu tražene dokumentacije, te po drugim relevantnim pitanjima u vezi sa prijavom, mogu se pronaći u dokumentu „Vodič za prijavu na javni oglas J.P. Međunarodni aerodrom „SARAJEVO“ d.o.o. Sarajevo – Zasnivanje radnog odnosa“.

Navedeni dokument može se preuzeti na službenoj web stranici J.P. Međunarodni aerodrom "SARAJEVO" d.o.o. Sarajevo: www.sarajevo-airport.ba, u rubrici "O nama", podrubrika „Ljudski resursi“, članak "Prijava za zapošljavanje" – link za preuzimanje dokumenta „Vodič za prijavu na javni oglas J.P. Međunarodni aerodrom SARAJEVO d.o.o. Sarajevo“.

VI

Za provođenje oglasne procedure po ovom oglasu formiraće se posebne komisije.

Proces izbora kandidata za prijem u radni odnos zasnivaće se na razmatranju dostavljene dokumentacije i održanim testovima/provjerama: usmeni test/intervju, stručni test, te testovi znanja engleskog jezika i poznavanja rada na računaru, u zavisnosti od zahtjevanih uslova pojedinog radnog mjesta.

Komisija će kandidate ocjenjivati na osnovu rezultata pokazanih tokom gore navedenih testiranja/intervjua, nakon čega će sačiniti listu uspješnih kandidata i dostaviti je nadležnom organu na odlučivanje.

U slučaju da u toku postupka izbora kandidata za prijem u radni odnos neki od kandidata ostvare jednak broj bodova, prednost pri zapošljavanju, pod jednakim uslovima, tj ostvarenim istim ukupnim brojem bodova, će imati kandidat koji ima neki od statusa iz tačke III 5. ovog Oglasa, ukoliko takvih kandidata ima i ukoliko su dokaznu dokumentaciju o tom statusu dostavili uz prijavu.

VII

Nakon provedenog postupka odabira najuspješnijeg/najuspješnijih kandidata koji su aplicirali na radna mjesta iz tačke I ovog oglasa, od izabranog/izabranih kandidata će se zatražiti dostavljanje:

- lješkarskog uvjerenja – dokaz o zdravstvenom stanju i psihofizičkoj sposobnosti izabranog/izabranih kandidata, a koji odgovaraju uslovima radnog mjesta iz tačke I. ovog oglasa;
- uvjerenje o nevođenju krivičnog postupka - dokumentacija potrebna za izdavanje dozvole za kretanje i zadržavanje lica na međunarodnim aerodromima u skladu sa Pravilnikom o izgledu, sadržaju, uvjetima i postupku izdavanja i oduzimanja dozvola za kretanje i zadržavanje lica na međunarodnim aerodromima ("Službeni glasnik BiH" br. 13/11, 77/13 i 85/17) i 2 fotografije.

VIII

Krajnji rok za podnošenje prijava po ovom javnom oglasu, odnosno za njihovu predaju na poštu ili na protokol J.P. Međunarodni aerodrom SARAJEVO" d.o.o. Sarajevo, je 8 (osam) dana od dana njegovog objavljivanja, tj **11.07.2025. godine.**

Neblagovremene, nepotpune i neuredne prijave, odnosno prijave koje nisu podnešene u skladu sa zahtjevima ovog javnog oglasa, kao i u skladu sa Vodičem za prijavu na javni oglas J.P. Međunarodni aerodrom SARAJEVO" d.o.o. Sarajevo za zasnivanje radnog odnosa, se neće razmatrati.